

Di zungmindarhaitn von Trentino att History LAB

Su History LAB una serie dedicata alla storia e alle peculiarità delle minoranze linguistiche trentine. Storie di confine, storie di sopravvivenza, storie di comunità uniche nel loro genere protagoniste del '900.

"A zung zoaget a natzióng" hâmda hërtä khött ploaz läut. A sachan boda hatt gemacht schan un ettlane vert hatt gemacht auzprèchan kriang o: 'z iz genümma schaung di situazióng in Ukrâina häüt zo tage. Un disar móto iz nêt bar! In a natzióng mangda soin un lem panândar ploaz zungen un kultûrn, groaze un khlummane o un da ünsar Redjióng zoagetz no est. Seânska azta iz zo khôda ke in Trentino soinda no kartza vil läut boda nêt khennen gerêcht bele 'z soinz dise mindarhaitn un bo sa soin. Vor

ditzia aft History LAB, kanâl 602, soinda khent gezoaget ettlane dokumentârdje zo reda von ladinar, von möknar un von zimbarn redante vo dise djar, vo soinar stördja un vo bia, in ta' vo häüt, khemmenda geschützt dise zungmindarhaitn vodar Provintz vo Tria un Pittn Kulturinstitutn von mindarhaitn. Di sâllen bodaz nêt hâm gebizzt un bodase nêt hâm gesek mang gian attn sito hl.museostorico.it odar att YouTube sâuchante Museo Storico Trentino, un schaungé å in streaming.

Dar Nachtvogl

An abas azpe biane

Foto APT Alpe Cimbra



Una sera d'inverno, un evento magico, diventato il fiore all'occhiello dell'Ape Cimbra, che anche quest'anno ha portato quasi 300 persone a passeggiare nei nostri boschi: la Ciaspomagna.

'Z iz a khaltar abas von bintar, 'z iz tunkhl in balt un dar bint plast azpe a vich boda bill khön alln ke di sâllen väuchtn un da sâll earde soin soi. 'Z soinda ploaz liachtlia nida in pon vo Milegrûam un atti beng zo giana atz Lusérn un aftn ünsar "Padretero". A längar sbântz läut, âgelekk Pitt gevèrbate djube un baritn, Pitt stivéln vor in snea un Pittn snearöaf, geat laise laise nô disan liachtlia. Attn fôrte izta apparùmmaz boda faït un sinkt un boda, vor a par urn, halte kompanjia in selln altn maurn, maurn voll traurege stördje, löchar vo granâtn un gedéñk vo djunge soldâna boda soin gestorbet sêmm.

'Z soinda tischan voll Pitt pjatt, tatzan voll Pitt boi, 'z soinda läut boda bölln stian in kompanjia, boda gödarn vodar natür, von balt, vodar tunkhl un von bint. Un attn bege dar

sbântz heft bidar å zo giana, nida attn Kämp un atti Ris Pitt gesmâkh von höbe, Pittn gelóaka von kraüt, Pittn gel vodar sürchan pult. Dar pauch iz palle voll, di hent mindar khalt, dar khopf iz bidar ler von pensiarn, 'z itza 'z getschekkla, 'z gelâcha un a par kantü vo tschella boda furse hâm getrunkht kartza vil.

Un bidar attn bege, aubart fin attn Sbânt, dar sbântz vinnt in turt Pitt müge, di hitz von tê un von snöpz. Est izzar bidar bodrûmm dar sbântz, Pittn tunkhl izzar mearar sbartz, di liachtlia soin palle darlescht, dar pon vodar nacht iz gerift un 'z schuaspil von må un von stêrn iz daz peste zo spêrra disan abas, vor ma geat dahüam.

Giada von Galèn

Dar prais von bolvl gerüsta

L'industria tessile e la moda incidono fortemente sull'inquinamento globale, se da un lato è auspicabile una maggiore attenzione da parte dei produttori per rendere questa industria sostenibile, dall'altra le scelte dei consumatori possono fare la differenza.

Ma redet hërtä mearar vo bia zo halta gesünt ünsar bëlt. Bëksln eppaz in lem vo alle tage mage helvan vil. Redante vo mòda, in dise lestn 15 djar khinta gekhaoft dar 60% mearar gerüsta un mearar baz dar 70% von gabentar boda khemmen gemacht geat an lestn vortgedjukht.

Ma khoaft ombrómm 'z parir ke ma mucht rüstn naügez alle tage, di fabrike boda inar bôtta hâm gemacht "längesummar" un "herbest-bintar" modèln, est djukhan auz naüge modèln alle

bochan. Disa bolvl un bahémmge mòda khint gerüft "fast fashion". Ma dar prais, bobar biar sparn zo khoava ditzia gerüsta, khint gezalt vodar bëlt.

Zo khosta bintsche dise gabentar soin gemacht Pitt sintetika stöff, boda khint von petróldjo; balsa khemmen vortgedjukht lengsada a baila zo khemma earde, azmase vorprénnt tüatz letz in air.

No mearar, balda daz sintetiko gerüsta khint gebëscht khemmenda auzgedjukht in bazzar gântz khlummane tökkla

plastika: in a djar in mer dise tökkla khemmen z'soina azpe 50 miliârdë bòtzan gemacht Pitt plastika. Baz mabar tüan? Khoavan mindar un pezzar. Süâchan zo nemma lai bazpar hâm mengl un soin sichar zo nütza. Zornirn genützatz gerüsta, att internet odar in di boténg vo vintage un, azma khoaft naügez, süâchan az sai gemacht Pitt naturâl stöff. 'Z iz pezzar zern zo haba mindar geplèttra ma schümma gemacht un gesünt vor ünsar laip un ünsar bëlt.

M.R.

Istituto Cimbro
Kulturinstitut Lusérn
Tel. 0464-78.96.45
info@kil.lusern.it
www.istitutocimbro.it



Zungmindarhaitn in Beleschlånt un in da ünsar provîntz

Lusérn pan bintar



"Le minoranze linguistiche in Italia e nella realtà trentina" è il titolo di un ciclo di incontri, a cura del dott. Marco Viola e organizzati dall'Associazione "A. Rosmini" di Trento, per approfondire il valore della diversità linguistica e conoscere meglio le minoranze storiche e le nuove minoranze in Italia e in Trentino.

Von 13 von hochnach atz 3 von hornung soinse gehaltet online viar bichtege trêff, augilekk von Marco Viola von kulturâl feròin "Antonio Rosmini" vo Tria, zoa zo khenna pezzar di zungmindarhaitn boda soin in da ünsar provîntz un in Beleschlånt o. Baz 'z soin di mindarhaitn un bia sa soin gibertet iz khent khött gerêcht von profesör Jens Woelk, boda hatt o geredet von rëchte un vo baz ma mage tüan zo unterstütza di mindarhaitn. Di profesörn Patrizia Cordin hatt nêt lai geredet von zungmindarhaitn bodada soin vo hundartar djar, ma von naüng zungmindarhaitn o: in da ünsar provîntz, 'z djar 2011, von 526.510 läut bodada hâm gilebet, 18.500 soinse darkhennt alz ladinar, 1.660 alz möknar, 1.072 alz zimbarn. Ändre 50.000 läut soinse läut boda khemmen vo auz: das meararste vodar Romania (17,6%), vodar Albania (14,4%) un von Marocco (10%). An fintza 27 von hochnach dar trêff iz khent vürgetrakk von Kulturinstitutn von trianar mindarhaitn: dar Fiorenzo von Kastelé vor di zimbarn, dar Leo Toller vor di bërsntölar un di Sabrina Rasom vor di ladinar hâm geredet vo bo 'z stâmmenda abe di zungen un hâm gezoaget alln da groaz arbat un di prodjékhe boda vürtrang di Institutn zoa zo halta lente di zungen, machan khennen di stördja, di kultûr un di birtschaft von ünsarn lendar. Azzaraz hatt vorlört an par an trêff, makaren bidar seng gianante attn sito von feròin "A. Rosmini".

r.p.

ARTICOLO NELLA VARIANTE CIMBRA DELLE VALLI DEL LENO

Goethe pittnan zimbar khinn

Johann Wolfgang Goethe, ha incontrato nel 1786 un bambino cimbro e gli ha dato un passaggio nella sua carrozza, come ha riportato il rinomato quotidiano tedesco Frankfurter Allgemeine Zeitung (FAZ).

Dar gekhennatar schraibar Johann Wolfgang Goethe is 1786 vo Taütschlånt ka Beleschlånt geraist. Bia er hatt geschribet, baldar is geraist vo Poatzan ka Tria un dena vür zuar Rovrait, an armen baibe hatt imen gerüaft un gepittet, soi khinn in dar karötz zo vüärn, ombromm di mëchte vil barma earde vorprénnt soine vüaz. Goethe hatt khött ja, un asó is 'z khinn pittar karötz geraist. Bia er hatt geschribet, hatt 'z khinn an strâmbat geplèttra. Goethe hatt vorsüacht zo ren Pitt khinn in taütsch un dena in belesch zung, ma 'z khinn hatt nêt vorréat soi zung un nêt geredet.

Dar gekhennatar taütschan földjö FAZ hatt geschribet: Azzar Goethe beratet gânt pittnaran di zbozo vo Etschtlal nâ soinai huamat, anvêtezo gian ka Gardasea, asó er hettat sichar darvér, belar zung redet 'z khinn. Un er hettat se gebundart, ke di läut taütsch ren, ma an alt taütsch.

Baz hatt Goethe no geschribet? "I pin est khent in Rovrait. Dâ bëksl'z. Fin dâ ma khött taütsch un belesch. Est i hân a belesch khutschar, dar hatt nicht an bort taütsch ren mang. O dar birt redet nicht taütsch un i móche mochtma vorsüachan, zo ren belesch."

In daz gelâich djar 1786 in Laim, nidarnâ Rovrait, hattma offegetânt di belesch schual. Laidar hatt di vüärum in Tria, Innsbruck un Wien nêt vürgelekk, ke in kroaz Rovrait is nêt gelaich zbisen di statt im tal, bo di läut hâm geredet belesch, un affn përng, bo ünsarne läut hâm geredet apze biar, in da zimbar zung, di alt taütsch zung.

Prof. DDr. Hugo-Daniel Stoffella vulgo Menlo

Avviso – Mèldung: KHLUMMANE LUSTEGE TRITT

Dar Kulturinstitut Lusérn süacht a mentsch boda hatt in pefèl vodar zimbar zung, daz mindarste stëpfli B2, zoa zo arbata ka schual Pittn khindarn von drai mânat atti sëks djar. Zo bizzasan mearar mochtma gian attn sito von Kulturinstitut.